

萬有文庫

第二集七百七種

王雲五主編

甌北詩鈔

(三)

趙翼撰

商務印書館發行

甌北詩鈔

(三)

續集

國立編譯館藏本

甌北詩鈔七言律一

梅花

殘臘春心世未知。忽傳芳信到南枝。單身立雪程門弟。素面朝天號國姨。紙帳有香吟倦後。縞衣無影夢回時。清晨動我巡檐興。準備東風第一詩。
正是冰霜徹骨天。何當冷蕊別成妍。衆芳皆後眞香祖。同調無多只水仙。踏凍來尋芒屨滑。忍寒相對繡帘攀。著花老樹嫣然處。箇是人間枯木禪。
江南江北枉相思。何處探春見一枝。古寺月明僧定夜。空林雪滿鶴歸時。竹松自結同心契。蜂蝶甯容半面窺。到得百花爭炫處。始知老輩不求知。

隴頭流水嶺頭雲。消息相關結想殷。一到歲寒誰伴我。每逢月落便思君。寫眞不藉丹青筆。作賦何妨鐵石文。剩欲訂爲交耐久。江城笛好數相聞。古今咏梅詩多矣。工切渾脫。應以此爲第一枚。

贈性海上人

小茅菴底酌香醪。詞客詩僧兩老饕。偏袒右肩獅獨吼。堅持左手蟹雙螯。參寥戒爲狂來破。蘇晉禪須醉後逃。灌頂醍醐原佛諦。未妨世眼笑酩酊。

新霽同杏川諸人散步

積雨江村綠漸稠。喜逢霽景豁吟眸。春留紅藥拖殘屋。雲放青山出一頭。聲在樹間禽姓杜。香尋花底蝶爲周。邨翁莫笑貪兒戲。我是人間馬少游。

陽湖晚歸

布帆輕颺晚風微。回首陽山正落暉。鷺點碧天飛白字。樹披紅葉賜緋衣。詩情澄水空無滓。心事閒雲澹不飛。最喜漁歌聲欸乃。扣舷一路送人歸。

黃天蕩懷古

打岸狂濤捲白銀。似聞桴鼓震江津。歸師獨遏當強寇。兵氣能揚到婦人。有火誰教戎箭射。無風何意海舟淪。建炎第一功終屬。太息西湖竟角巾。航海先傳警蹕趨。孤臣猶自矢捐軀。小朝氣象偏安局。半壁江山百戰圖。龍廟尙傳舟似馬。鶴河終恨幕啼烏。章安不作崖山覆。容易諸公赤手扶。

題明太祖陵四首之一

定鼎金陵控制遙。宅中方軌集輪鑣。千秋形勝從三國。一樣江山陋六朝。燕啄皇孫傳豈誤。謂靖將亂終消。橋陵曾借神僧穴。易代猶聞禁採樵。狗烹諸

淮陰釣臺

遺蹟長淮一釣臺。常令過客此低徊。蕭曹內本無君坐。雲夢間還謁帝來。與噲伍。憐魚服困。假齊王。伏狗烹災。千秋此獄難翻案。留作人間弔古哀。此詩便可作千秋定案。保泰。

泊頭鎮卽目

曲曲圍牆短短籬。黃塵和粉點胭脂。春來北路稀花事。人在東風學柳絲。枉自數錢工姹女。方將乞食到歌姬。河干小泊超神觀。欲笑阿難被咒時。

入都依外舅劉午巖先生館舍

時先生客於宮保尹公第。

倦羽飄飄得暫投。蕭齋燈火話羈愁。我來客路誰青眼。公在名場已白頭。五畝何時乘下澤。一壺還仗引中流。旁人不識飢驅出。只道從師負笈游。辛苦蟲魚手自箋。公車曾載牘三千。病猶作客因賢主。老不趨時讓少年。篋裏一經垂就業。畫中二頃未成田。憐公已是依人廡。我又依公似母駢。

呈座主休甯汪公

六六天鄣氣鬱龐。挺生耆碩道經邦。文章一代推燕國。風度千秋繼曲江。司馬鑑開書局纂。帝鴻硯贊筆椽扛。身當鼎鉉和羹久。早晚宣麻下鎖窗。

退食歸來雅興長。三間新築職思堂。公齋名。杜門客少心如水。謀國年深髻有霜。運腕字開千石弩。等身書擁一爐香。履綦依舊儒生樣。誰識班聯日月旁。

土城懷古

德勝門外土阜。本元都健德門故址。然土人至今呼爲蕭太后土城。必有所自。按遼聖宗母蕭氏最賢。岐溝關之捷。益津關長城口及瀛洲之戰。澶淵之役。皆與聖宗同行。此或其駐師地也。

郊圻屹立土門崇。遼后曾經此詰戎。赤帝敢傷吾子白。雌風偏勝大王雄。封椿坐困南朝費。歲幣終來內府充。千載遺踪有雙阜。猶傳女隊簇妝紅。新警之極。保泰。

負屨圖成髻未華。手攜嗣主戰邊沙。不聞宮掖悲人薨。肯使兵塵喪帝邦。粉黛三千歌入塞。燕雲十六紀傳家。笑他瓊島妝臺女。空把才名後代誇。太液池瓊華島。舊有金章宗李宸妃妝臺。

壬申下第作

倦游情緒峭寒天。人海喧中黯自憐。漫擬穿楊憑一箭。又須刻楮費三年。達磨向壁空參佛。子晉吹笙已得仙。席帽中箱商去住。欲歸誰辦買山錢。

身本高陽一酒徒。無端托業忝爲儒。舉場我歎魚緣木。敗卷人嗤鬼畫符。三字見元遺山詩。羞學空函書咄咄。共誰擊缶和鳴鳴。祇應白髮高堂夢。猶問泥金信到無。

閉門仍與一編親，肯便千時踏軟塵。鑄硯終看穿硯日，拆橋多是過橋人。關河倦羽三更鴈，風雪寒衣百結鶉。笑看禰衡名刺在，已經磨滅字都湮。

哭杭廷宣之訃三首之一

河梁送我峭帆輕，一別俄驚幾載更。久客不歸無異死，故人入夢尙如生。過車三步他年痛，許劍千金舊日情。身計定知君不舍，忍辭殘局爲收枰。沉

集益齋卽事戲呈休甯座主

退直歸來雅興賒，閒商文史浩無涯。公於此已肱三折，我愧才非手八叉。幸有津梁先路導，何煩絲竹後堂譁。步趨宛憶童時景，書館從師侍絳紗。

時晴齋與王穀原舍人小飲

西窗剪燭月痕斜，旅邸相依感髣髴。華僊後客懷叢桂樹，瘦來人似老梅花。才名競欲招東閣，先客梁薌林家宰弟，今客汪松泉司空弟。狂態兼愁溺正衙，且莫臨觴悲晼晚。千秋著述已成家。

哭杭應龍先生墓

漬酒那禁涕淚俱，死生曾不待須臾。我歸但有徐君墓，公在曾憐趙氏孤。奔問已悲新宿草，酬恩空托一生芻。依然牀下梁松拜，無復溫言誨座隅。

垂楊

垂楊依舊罨窗紗。簾幕無聲但日斜。小杜去猶非綠樹。前劉來已失桃花。紅綃枉自思公子。碧玉仍憐嫁小家。彈指鴻泥成往跡。蕪菁香裏飯胡麻。

敝廬將圯稍事修葺詩以落成

隙地何曾拓數弓。編茅早課索綯功。客途久厭三間廨。儒行原尊一畝宮。陋稱簞瓢居巷內。貧真樓閣造空中。只愁斷手無多日。又向天涯作轉蓬。

戲題汶上旅壁

征途日日轉勞薪。偶見天桃始覺春。滿面黃塵投旅店。一羣紅粉看詩人。梁炊久醒游仙夢。花落難沾學佛身。爲語纏頭無長物。或將好句寫羅巾。

樓桑邨

桑蓋童童已古邱。英雄氣尙亘千秋。敵強終造三分國。士少能臣第一流。長坂安行真大度。益州詭取亦陰謀。獨憐故里終拋棄。不及歌風沛上遊。

穆庵侍讀見余近作枉贈佳章依韻奉答

枉將辛苦學妃豨。閉戶窮經願每違。漫擬莊嚴千佛塔。尙慚補綴百家衣。鞭長難護揚雄甌。綆短方思董

子帷旅邸喜仍鄰近在。可容擊壁借餘輝。

丙子元日早朝卽輪直內閣

千行鵷鷺集初寅。肅聽鳴鞭拜舞勻。玉燭星雲三殿曉。珠杓雨露九天春。笙璫響入和風度。旗繖光涵旭日新。朝罷獨趨輪直地。早欣發筆寫恩綸。有唐人早朝詩遺韻德麟

同邵耐亭郊行

草綠裙腰到楔辰。相邀勝侶去尋春。波空有影凌羅韞。塵軟無聲碾畫輪。柳絮前身原蕩子。桃花對面有佳人。誰知袞袞長安陌。着此蕭閒兩角巾。

軍機夜直

鱗鱗鴛瓦露華生。夜直深嚴聽漏聲。地接星河雙闕迴。職供文字一官清。蠻箋書剪三更燭。神索風傳萬里兵。時方用兵西陲。所愧才非船下水。班聯虛忝侍承明。

清切方知聖主勞。手批軍報夜濡毫。錦囊有策兵機密。金匱無書廟算高。樂府佇聽朱鷺鼓。尙方早賜紫貂袍。書生眊筆慚何補。不抵沙場斫賊刀。

下直同漱田秋帆諸人郊行卽事

油碧車輕度軟紅。看花喜有素心同。一春晴雨常參半。三月寒暄最適中。芹沼泥融銜燕子。柳塘水漫浴

鳬翁清遊不在彈章例。莫便驚他御史驄。

路遇巡城御史故云。

雨過青圻淨麴塵。出郊人馬共欣欣。班輪隻日餘雙日。春已三分過二分。蝶趁衣香芳草路。鴉銜祭肉夕陽墳。郊行景色真堪畫。只少擔瓶一老軍。

遊檀柘寺

蓮漏聲中轉六時。山房春靜日遲遲。龍妝老叟時聽講。鶴被仙人每借騎。礙石竹多旁出筍。交柯樹似寄生枝。何當結夏來趺坐。清簟無塵一局棋。新絕。

題美人春睡圖

海棠春暖正微醺。午睡聊收繡線紋。香篆碧縈魂一縷。枕痕紅透肉三分。畫師何處窺曾見。侍女私相語弗聞。且莫真真喚名字。夢中或已去行雲。

擬秋獮應制

大獮行邊輦路清。塞垣風緊峭寒生。九天秋肅驅劉信。萬帳宵嚴虎衛兵。上駟別羣棚烙字。頭鵝驗獲箭書名。太平肄武軍容盛。雙纛黃龍蠹幔城。氣格逼唐枚。

路入周陸水木華。茸茸軟草不飛沙。地包邊塞逾千里。人集華戎共一家。衛士割鮮燒檣柹。名王行炙奏琵琶。盛朝校獵成年例。石鼓岐陽豈足誇。

次韻酬袁子才見寄之作

早脫朝衫作野樵。雲煙滿塢養心苗。才名未肯將官換。好句還應仗福消。技有鼻傷非郢斲。音無肉味是虞韶。何當一訪隨園去。鴻爪雙雙跡互標。

西廠觀烟火

晚直郊園月未斜。昇平樂事覽繁華。九邊塵靜平安火。上苑春催頃刻花。跋浪魚龍烟是海。劈空雷電礮爲車。歸途尙有餘光照。一路林巒映紫霞。好句天成。難得如此雄傑。枚。

歲暮劉蘭陔刑曹竹軒中翰招同章習之吏部暨北墅漱田玉亭諸同人讌集梨園小部縱飲追歡

卽席有作

休沐相招歲晚天。斜街宵集騎聯翩。早煩掃雪三三徑。來趁消寒九九筵。劇孟賓朋遊俠慣。岑參兄弟好奇傳。沉沉漏鼓留髭處。風景真令裂老顛。急管繁絃總樂方。梨園小隊簇新妝。憑他撞末都盧戲。演出人間傀儡場。曼睪波橫燈影炫。纖腰風蕩舞衣香。冰霜帘外寒如許。誰識春先此地藏。

移寓椿樹衙衙

頻年書劍客平津。宣武坊兮僦屋新。喜有園林教作主。敢誇門戶不依人。賃春尙未偕荆婦。賤眷將到。祭竈仍

先請比鄰莫笑腐儒家具少牙籤也自壓雙輪

十笏林巒樹影斜芳鄰更妙按紅牙

對門有歌者胡郎寓

來聽北里新翻曲到及東風滿院花詩社分題馳檄促酒

杯留客隔牆賒書齋別有新妝點粉壁名箋爛似霞

同人皆有詩賀遷

時晴扁額墨光浮猶是尙書手筆留人物百年思老輩主賓十載感前遊名歸青史無瑕指地過黃蘗有

淚流門館重來陳迹在豈勝華屋愴西州

寓卽汪文端師時晴齋書室

三詩情文綿邈百讀不厭枚

木蘭較獵恭紀

祭纓令肅正新涼路指周陟較獵場夜火千屯山氣紫秋風萬騎塞塵黃清時邊備無傳警絕徼軍威正撤防白爲昇平勤肄武豈徒萼麗修長楊

行闕嵯峨倚翠屏名王俱入宴彤廷嘗新螯蟹勝淮白

魚名見楊誠齋集

奏捷頭鷺有海青酒醉瓊漿清暑殿香

霏金粟廣寒庭欲知湛露恩深處璫管鈞天十日聽

行宮大宴十日過中秋卽入木蘭

啓蹕旌麾肅隊齊舌人添譯玉關西轡調八駿皆宛馬刀帶千牛有霽奚

哈薩克進八駿馬降夷多備宿衛

霜信遲猶留

嫩草潦痕退已少輕泥木蘭好片清秋景黃葉青山百鳥啼

千三百騎布圍成番部策來歲踐更拂韁鞭追飛兔影鳴髀箭作餓鴟聲烽烟前代防邊地裘褐中朝保

塞兵最是獲禽頒賞處滿營膜拜頌恩榮

哨鹿三更帳殿開。隨行數騎盡銜枚。地當深入多熊館。物有相招似雉媒。獲雉呼燈山外火。割鮮行酒馬前杯。相如何用憂銜驪。天子曾經殺虎來。上哨鹿手殺一虎。有御製虎神槍歌紀事。

獵罷歸程馬首東。諸蕃曉送繡旗紅。路分小龍堆雪。秋入關南雁陣風。黍熟市低沽酒價。犂閒人課索絢功。宸遊別有欣然處。繡甸年年慶屢豐。

哭杭白峯之訃五首之一

傳家節孝澤宜償。研削燈窗志激昂。元凱生平書有癖。次公意氣醒而狂。筆堪塚瘞知多少。墨與人磨互短長。一第未邀知不瞑。重泉應尙吐光芒。

悼亡

扁舟纔到暮春中。淒絕秋閨罷女紅。千里赴京如送死。十年爲婦正奇窮。瓦燈猶照空牀簟。總帳誰扶削杖桐。生一子。已瘞。正是薊門搖落後。淚和殘葉灑西風。

百分絕少一分償。只道將來日正長。多病尙辭賒藥餌。新婚便典嫁衣裳。頻年癡想登高第。半載窮奢食太倉。信有人間論薄命。擬呼日者再推詳。

急景俄驚逼歲闌。殘冬隨例作去聲消寒。老親拊擋迎年酒。弱女經營餞臘盤。爆竹聲中虛煖熱。燭枝淚下

共洿瀾。劇憐蕭寺冰霜夜。冷骨孤眠七尺棺。沉痛入骨。

新僦宅有小樓可憩而多狐祟詩以禳之

漫憑狡獪擾幽廬。禍福靈氛早告予。山鬼豈知經歲事。仙人浪說好樓居。開堂笑汝禪仍野。媚竈慚吾術已疎。談易倘如王輔嗣。未妨來對一窗虛。

題藥庵僧遺像

曾住花山最上層。披圖猶見骨崢嶸。立朝章疏批鱗手。易世衣冠削髮僧。故國遺墟傷北望。空門法席演南能。孤標自是經奇士。莫但相推續佛燈。

過文信國祠同舫葦作

鬚眉正氣凜千秋。丞相祠堂久尙留。南渡河山難復楚。北來俘虜豈朝周。出師未捷悲移鼎。視死如歸笑射鉤。何事黃冠樽俎語。平添野史污名流。

三百餘年養士恩。故應末造澤猶存。半生聲伎勤王散。一代科名死事尊。滿地白翎人換世。空山朱噉客招魂。笑他北去留承旨。也是南朝一狀元。

詞八

戰罷空坑力不支。拚將赤族殉時危。死寧殉國因三載。生享門人祭一卮。血碧肯污新贈諡。汗青終照舊題詩。如何一本梅花發。分半南枝半北枝。

三詩警切
精鍊德麟

贈張吟薌

倚聲絕藝似珠圓。鏤月裁雲過百篇。花影得名張子野。井泉到處柳屯田。傳來曲部人爭寫。唱入旗亭妓最妍。笑我聲牙難入律。銅琶琶上撥皮絃。

大雨倒牆戲筆

鳴簷三日雨淋浪。摧倒苔垣一丈長。并使相如無立壁。或傳夷甫竟排牆。蝸涎作字難留迹。麝眼編籬且畫疆。除卻青氈本何有。不妨恃陋少隄防。

曾笑冰山易作泥。不虞識在小庭西。故人來訪應排闥。鄰女如窺免上梯。亂石已妨行藥步。濕塵先掃落花蹊。最憐十五蕭郎竹。也復鈴蟬被壓低。二詩逸態橫生。枚。

南苑大閱恭紀

雪晴南苑曙光皚。翠輦親臨閱武來。千步廣開盤馬地。一旗高颭晾鷹臺。風雲捲陣戈揮日。烟燄騰霄礮震雷。特許遠夷觀壁上。威聲早過白龍堆。高文典策用相如。

己卯元日早朝

彤庭冠佩賀元辰。今歲朝儀分外新。雞鹿塞俱編屬國。麒麟閣已畫功臣。呼韓稽首班行肅。契苾駢肩宿衛親。紉縵五雲金闕朗。太平中外一家春。

入古北口

路從雲霧下崔巍。響踏空山落葉堆。投棧馬嘶歸意急。入關雁帶峭寒來。新茅縛把增簷角。老樹刨根作炭材。又是一番風景換。好將月令譜邠郃。

春和相公四十壽詩

扶桑弧矢掛青旻。黃閣開筵正早春。賜券功兼官將相。秉鈞身是國勳親。萬間廣廈胸恢廓。千頃澄波量渾淪。平格何須多祝頌。天教霖雨潤斯民。一德堂廉喜起歌。手調伊鼎奏羹和。虛舟相度猜疑少。連茹人材長養多。溫室樹前頻贊畫。小車花下亦經過。從知四海蒼生福。當國名臣髻未皤。

文端師諡葬事畢。余囑其二子承需承霽入京。奏謝舊時賓客。皆目笑之。以爲何所望也。及需得官。霽亦得舉人。或又謂余有畫策之能。抑知聖天子垂念舊臣。久而弗替。豈臣下所能仰窺萬一乎。詩以誌愧。

葛帔西華傍路塵。昔時賓履更誰親。豈應成季勳無後。亦恐田橫客笑人。一代特開新卹典。廢官既沒。移賜其弟。此例從來未有。九重自念舊勞臣。衣冠優孟慚何與。劇喜師門免負薪。

和友人洛陽懷古四首

芳林園。魏明帝因漢舊苑增築。後以避齊王芳諱。改名華林園。

包絡川原禁籞恢，令嚴將作鼓聲催。也如銅雀臨漳起，遂使金人別漢來。繡轂千蹄官負土，縹緲半臂帝登臺。洛陽他日名園遍，風氣多應自此開。

金墉城

晉受禪後居陳留王於此

另築名都處讓皇，洛陽城外又宮牆。近非別苑遊春地，閒似禪家退老堂。正朔尙留殷沫土，附庸略彷彿山陽。可憐猶是唐虞局，從此商孫少裸將。

魏晉革易故主皆以善終劉宋後無此事矣故云

梓澤園

石崇別業即金谷園

一代豪華擅此園，朝朝暮暮最銷魂。美人絕色原妖物，亂世多財是禍根。浮白觴前猶舞影，落紅枝上忽啼痕。樓頭一擲終佳話，能博蛾眉死報恩。

西陽門

石勒擒劉曜處

東西二帝此相攻，事往猶傳戰血紅。兩陣間分誰盜賊，六經外另有英雄。冰痕早泮靈昌渡，鈴語先占替戾風。千載共知胸磊落，故應狐媚笑曹公。

七言傑句古來以少陵五更三峽一聯爲絕唱然猶第寫景也此獨從議論中迸出光燄萬丈是何等神力枚

修史漫興

史局虛慚費月餐，古今歷歷作閒觀。千秋於我宜何置，寸管論人固不難。高燄輝粲紅燭炬，古香浮硯翠螺丸。只輸小宋風流處，少個濃粧伴夜闌。